

# Imaqarniliaq

## Innarluutillit pillugit Siunnersuisoqatigiit

Piffissaq: pingasunngorneq januaarip ulluisa 23-at nal 14-16  
Sumi: Ataatsumiittarfik 3, Kommunip allaffia, 1 sal, Kuussuaq 2, 3900 Nuuk

### **Peqataasut:**

Viggo Johansen, siulittaasoq  
Aviaaja Geisler siulittaasup tullia  
Sara Jilsø Fleischer, ilaasortaq  
Nanette Hammeken Arboe, ilaasortaq  
Paulus Napatoq, ilaasortaq  
Peter Brix Adsersen, Oqartussaqarfinnut tunngasuni fagchefi (MI)  
Laila Skydsbjerg Skytte, MISI-mi siunnersuisarfimmi pisortaq  
Cecilie Victoria Schierbeck, Oqartussaqarfinnut tunngasuni fagchefi (SI)  
Susanne Kærulff Christensen, Innarluutilinnut aamma Tarnimikkut nappaatilinnut immikkoortumi fagchefi (SI)  
Kasper Kjeldgård Jensen, imaqarniliortoq (SI)

### **Peqataanngitsut:**

Martha Lund Olsen, Meeqqanut & Ilaqtariinnull pisortaq (MI)  
Ellen Magnussen, Ikorsiissuteqartarnermut tunngasuni fagchefi (MI)

### Oqaluuserisassat:

#### **1) Siulittaasumit nutaarsiassat**

##### **1.1 – Ataatsumiittamik ataatsimeeqateqarneq**

Isumaginninnermut Suliffeqarnermullu ataatsumiittamik ataatsimeeqateqarneq ingerlalluarpoq (Meeqqanut Ilaqtariinnullu Ataatsumiittami siulittaasoq, Uju Petersen, aamma peqataavoq). Kisianni politikkerinit imaluunniit ingerlatsivinnit taamanili saaffiginnittoqarsimanngilaq.

##### **1.2 – 2019-imí ataatsumiilluni sulinerit**

Ataatsumiilluni sulinerit Isumaginninnermut Suliffeqarnermullu Ingerlatsivimmi pisortaq Isak Nielsen Kleist isumaqatigiissuteqarfagalugu ingerlateqqinneqassapput.

##### **1.3 – Ingerlatsivinnut apeqqut: Kommuneqarfik Sermersooq Isumaginninnermik Aqutsisoqarfik Ilulissani sap ak 5-imí isumasioqatigiissitsinissaanut immikkut sulianik ilisimasalimmik avataaneersumik sulisussamik pissarsisimava (Viggo Johansenimit)**

Peter Brix-imit akissut

- Naamik, ingrelatsiviit taamatut iliorsimanngillat. Isumaginninnermik Aqutsisoqarfik peqataasussanik nammineq toqqaallunilu aggersaasuuvoq. Ataatsumit isigalugu,



Ingerlatsiviit isumaqarput isumasioqatigiissitsinissamut peqataanissamut sinniisussat ikiluatsiartut. Isumaginninnermut Aqtsisoqarfiup avataaneersut suleqatigisat tamaasa toqqarpai.

## **2) Ingerlatsivimmit nutaarsiassat**

### **2.1: Ingerlatsivinni sulisut nutaat**

Cecilie Victoria Schierbeck Isumaginninnermut Suliffeqarnermullu tunngasuni fagchefinngorpoq.

### **2.2: Immikkoortunik nakkutilliineq**

Susanne Kærulff Christensen:

- Namminersorlutik Oqartussanit najugaqatigiiffiit tamarmik nakkutilliartorfigineqarnissaat ullumi aallartissaaq (pingasunngorneq ulloq 23, januaari 2019).

## **3) Imaqarniliap akuerineqarnera**

Innarluutillit pillugit Siunnersuisoqatigiinnit akuerineqarpoq.

## **4) Immikkoortut**

### **4.1: 2017-ip aamma 2018-ip naliliiffiginer – suleqatigiinnerup killiffia aamma suna pitsaanerulersissinnaavarput?**

Sara Jilsø Fleischer

- 2017 isornartuuvoq. Ininik atugassiisoqarneq ajorpoq, akuutitsinerlu minnerpaaffimminiippoq.
- Siunnersuisoqatigiit piginnaasamikkut siammasissuupput, atorluarneqanngivippullu.

Nanette Arboe Hammeken

- Innarluutillit pillugit Siunnersuisoqatigiit kommunip initaani sulinermi ataatsimiittarnissamik periarfissaqartinneqarnerat ingerlalluarpoq.
- Isumaginninnermut Suliffeqarnermullu Ataatsimiittamik ataatsimeeqateqarneq iluatsilluarpoq
- 2019-imi ataatsimiittitanik amerlanerusumik ataatsimeeqateqartarnissaq assut kissaataavoq.
- Ilutigitillugu iluassagaluarpoq, Innarluutillit pillugit Siunnersuisoqatigiit ataatsimiittarnermi ilaanni aalajangersimasunik qulequtaqartassappata, eqqartorneqarusrusuttunik imaluunniit paasiniagassanik.

Viggo Johansen

- Kommunalbestyrelsip ataatsimiinnerisa imaqarniliaasigut politkkerit innuttaasut innarluutillit pillugit oqalliseqartarsimasut takuneqarsinnaavoq, taakkunanilu Innarluutillit pillugit Siunnersuisoqatigiit akuliutsinnejqarsimanngitsut.



- Aaqqissuussaasumik akuutitsisarneq amigaataavoq.
- Innarluutillit pillugit inatsimmi nutaami aamma piumasaqaataavoq, kommunit tamarmik innarluutilinnut siunnersuisoqatigeeqarnissaat. Tassunga atatillugu aamma piumasaqaateqartoqassaaq, siunnersuisoqatigiit qanoq katitigaasarnissaat pillugu. Tamanna kommunip eqqumaffigissavaa.
- Ilaasortat tamarmik pisortaneersuuusariaqanngillat. Sianerfigitigut, aamma aqqutissat pisortatigoortut avataasigut.

#### Leila Skydsbjerg Skytte

- Innarluutillit pillugit Siunnersuisoqatigiinni atorfilittatut peqataatitsisarneq kommunip suleriaasiinik illullu iluani assigiinngitsunut tunngasunut akissuteqartarnissamut iluaqutaasarpoq.
- Tamatuma kommunip qanoq ingerlanneqarneranik pitsaanerusumik paasisaqartippaanga. Taamaattoqarneratigut MISI qanigisaasunut pitsaanerusumik siunnersuisinnaanngorpoq.

#### Peter Brix

- Kommunimi susassaqarfijt tamaasa aqquaarlugit suliat eqqartorneqarnissaannut periarfissaqarluarpoq aamma innuttaasut akuutillugit (Innarluutillit pillugit Siunnersuisoqatigiit). Aammasumik alapernaasertumillu oqaloqatigiinneq pitsaasuusimavoq.
- Piitap aamma eqqarsaatigineqartut, maani akuerineqartut, Ingerlatsivimmuit ingerlateqqissinnaavai.
- Oqaloqatigiinnerit piumassuseqalersitsisuupput, ingerlatsiviullu tungaaniit isigalugu oqalliffik pingaaruteqarluinnartuuvvoq.

#### Susanne Kærulff Christensen

- Innarluutillit pillugit Siunnersuisoqatigiit qanoq atorneqarsinnaaneri nalornissutigineqarsimavoq. Massakkut pitsaanerulersutut ippoq ukiup affaata matuma siornanut naleqqiullugu.
- Ataatsimiinnerni qulequttat oqaluuserineqartartut pitsaasuupput. Qulequttat pingaaruteqartuupput, arlalitsigullu allatut isiginnilersitsisarlutik.

### **4.2 Sara Jilsø Fleischer Innarluutillit pillugit Siunnersuisoqatigiinni siulittaasumut tullinngorpoq**

Innarluutillit pillugit Siunnersuisoqatigiit isumaqatigiissup ulloq 23, januaari 2019 Sara Jilsø Fleischer siulittaasup tullissaatut akuersissutigivaa. Siulittaasup tulliatut inissisimaffik inoqarsimannigilaq, siulittaasup tullerisimasaa Aviaaja Geisler ilaasortaannanngornissi aalajangiummagu

### **4.3: 2019-imi pilersaarutit – ullut ataatsimiiffiusussat aamma immikkoortut qitiutinnejartussat pillugit**

#### Viggo Johansen

- Innarluutillit pillugit Siunnersuisoqatigiit immikkoortunik qitiutitassanik suli siunnersuuteqartarput. Taamaattumik Viggo Johansenip innersuussutigivaa, immikkoortut



qitiutinneqartussat aammalu piffissat ataatsimiiffiusussat eqqartorneqarlutillu paasiniarneqassasut tulliani ataatsimiinnissami.

Innarluutillit pillugit Siunnersuisoqatigiit tulliani ataatsimiiffissaat:

- Sisamanngorneq ulloq 14. marsi nal 14-16.

Tulliani suliat pillugit Innarluutillit pillugit Siunnersuisoqatigiinni ataatsimiinnissaq:

- Pingasunngorneq ulloq 20. februaari nal 14-16.

#### **4.4: Innarluutillit pillugit immikkoortumut pilersaarutip immikkoortuata 3-at**

Susanne Kærulff Christensen

- Sap ak 7-ianni ataatsimiinnissamut siullermut aggersaasoqarpoq.. Tassani akisussaaffeqarfiit agguataarneqassapput, akisussaasussallu qinnuigineqassapput/kaammattorneqassapput Innarluutillit pillugit Siunnersuisoqatigiit attavagineqarnissaat pillugu.
- Innarluutillit pillugit immikkoortumut pilersaarummi meeraanermiit inersimasunngornermut ikaarsaargerup qitiutinneqarnissaa ilaavoq.
- Immikkoortumut pilersaarut sivisungaatsiartumik uninngatinneqarsimavoq. Ingerlatsiviup tamanna massakkut allanngortippaa.

Nanette Arboe Hammeken

- Siunnersuisoqatigiit Innarluutillit pillugit immikkoortumut pilersaarummut siunnersuuteqarniarput.
- Meeqqat innarluuteqartut Innarluutillit pillugit immikkoortumut pilersaarummi ilaatinneqartariaqarput.

Susanne Kærulff Christensenimit akissut

- Suliami, manna tikillugu, aallaaveqarpoq (tassa imaappoq, Innarluutillit pillugit immikkoortumut pilersaarummi immikkoortoq 1-im aamma immikkoortoq 2-mi). Kisianni meeqqat innarluutillit tassaapput immikkut qitiutitassat, taakkulu annerujartuinnartumik ilaatinneqalertussaapput.

### **5) Taasariaqartut allat**

#### **5.1: Tulliani ataatsimiinnissami oqaluuserisassatut siunnersuutit**

Nanette Arboe Hammeken

- Nutaamik atuarfiliornissami, ASK-imik aamma USK-imik taartissamut, innarluutilinnut tunngasut qanoq pilersaaruteqarfingineqarpat?
  - Immikkut atuartitsineq, isertarfinnut tunngasut, sunngiffimmi sammisassat

Cecilie Victoria Schierbeck

- Sap ak 5-im i Ilulissani Isumaginninnermut Aqutsisoqarfiup seminareqartitsinerani Ingerlatsiviit aamma Viggo Johansenip misilittagaat.



## **5.2: Meeqjanut tunngasuni iluaquersuutinik attartortitsineq (Nanette Arboe Hammekenimit)**

Nanette Arboe Hammeken

- Pillorissaasut suleqatigiinni iluaquersuutinik meeqjanut tunngasunik sulialinnut attartortinnejarsinnaasunik kissaaeqartoqarpoq. Inersimasunut tunngasunik peqarluarpoq, iluaquersuutilli (inuttassallu) meeqjanut tunngasut amigaataapput.
- Iluaquersuutit misilittarneqartarnerat periusuvoq qulakkeerinnitoq, ilumut iluaquersuut pitsaasumik sunneriuteqarneranut. Iluaquersuummik misilittarneqanngitsumik akuersissuteqarnermi sunniutissaatut kissaatigisaq anguneqanngitsooratarneqarsinnaavoq. Taamaattumik atuagaateqarfegarnissaq iluaqutaassaaq.

Sara Jilsø Fleischer

- Pillorissaasut suleqatigiit sulianut tunngasunik isumasioqateqartarnissaminnik amigaateqartarput, taamaattumik immaqa taarseraattoqarneruvoq.

Ingerlatsivinniit akissutit

- Meeqjanut pillorissaasoqatigiit inersimasunut tunngasunut ilaavoq, anguniarneqartuaannartuuvorlu atorfii tamarmik inuttaqartinneqartarnissaat. Allatut oqaatigalugu nutaanik suleqatissarsiortoqartarpoq (Susanne Kærulff Christensenimit)
  - o Anders Stig Frederiksen, immikkoortumi aqutsisoq, ilaatigut pillorissaasut suleqatigiinni, tulliani ataatsimiinnissami aggersarneqassaaq. Pillorissaasoqatigiinni pissutsit taassuma itisilernerusinnaavai.
- Iluaquersuutinut atuagaateqarfissap annertusarneqarnissaanut aningaasanik katersinissaq ajornartuuvoq. Aningaasaliissutigineqartut sulianut ataasiakkaannut aammalu innuttaasunut ataasiakkaannut tutsinneqartarput (Peter Briximit)

Erseqqissaassutigineqassaaq, innarluutilinnut tunngasuni teknikkikkut ineriartorneq assut sukkasumik ingerlammat. Akisussaallutik pisiniartartunut tamanna annertuumik piumasaqaateqarfiuvoq (Cecilie Victoria Schierbeckimit aamma Viggo Johansenimit).

Susanne Kærulff Christensen

- Peqqumaasivimmi akisussaasoq Qallunaat Nunaannut ilinniariartortussaavoq, taamaalilluni iluaquersuutinik nammineq iluarsaasinnaanngussaaq Qallunaat Nunaannut nssiuttarunnaarlugit.

## **5.3: Meqjanut tunngasuni sulianik ingerlatsineq (Nanette Arboe Hammekenimit)**

Nanette Arboe Hammeken

- Dronning Ingridip Napparsimavissuata aamma kommunip kiisalu kommunip iluani attaveqaqatigiinneq tamatigut pitsaasuuneq ajorpoq. Pisariaqanngitsumik suliat sivisuumik suliarineqartarput.
- Meeqjanut tunngasuni suliat suli kinguaattoorfiusarp? Sullissisuniit akissuteqartoqarniartarnera sivisuujusarpoq - soorlu nammineq ingerlasumik aggersaasarneq aaqqiissutaasinnaanerluni?



Peter Brix-imit akissut

- Sulinermi ileqqoqalernissaq (kultureqalernissaq) Ingerlatsiviup aallartippa. Tamanna sivisussaaq.
- Isumassarsiaq tussaatissatut tiguneqarpoq.

#### **5.4: Naalakkersuisut innaarlutillit pillugit nutaamik inatsisisssatut siunnersuutaat**

Peter Brix

- Innarluutilinnut inatsisisssatut siunnersuut kommunip nukissaqarneranut piginnaasaanullu tunngatillugu annertuallaqaaq.
- Siunissaq sivisunerusoq isigalugu innuttaasut piumassutsiminnik sullissisinnaasut ilaatinneqarnissaat periusiliunneqarsinnaavoq, pissutigalugu kommunimi nukissat suliassanik ingerlatsisussat, sullissinermik piumasarineqartut, inatsimmi piumasarineqartut kommunimit pigineqanngimmata.

Aviaaja Geisler

- Savalimmiuni innarluutilinnut timersortitsisarneq assut iluatsitsiffiusimavoq.
- Namminneq piumassutsiminnik ingerlatsisut ajornartorsiuterpassuarnut aaqqiissutigineqarsimapput. Ilinniagaqartut, ilaatigut ilinniartitsisunngorniat perorsaasunngorniallu akornanni, timersuutini assigiinngitsuni namminneq piumassutsiminnik sungiusaasuusarput.
- Tassani misilittakkat innarluutilinnut suliniuteqarnermi pingaartumillu innarluutilinnut timersuutini iluaqutaasumik atorneqarsinnaapput taakkua kalaallisut najoqqutassalersorneqarnerisigut.

*Inussiarnersumik inuullaqquqsillunga*

Isumaginninnermut Suliffeqarnermullu Ingerlatsivik

